



Broj: 02-04.1-547 /12
Brčko: 16. aprila 2013. godine

Na osnovu člana 43 Zakona o porezu na dobit (Službeni glasnik Brčko distrikta BiH, brojevi 60/10, 54/11 i 33/12) i člana 12 stava 1 tačke c) Zakona o Direkciji za finansije Brčko distrikta BiH (Službeni glasnik Brčko distrikta BiH, broj 19/07) direktor Direkcije za finansije Brčko distrikta BiH, d o n o s i

P R A V I L N I K
o izmjenama i dopunama Pravilnika o primjeni Zakona o porezu na dobit

Član 1

U Pravilniku o primjeni Zakona o porezu na dobit (Službeni glasnik Brčko distrikta BiH, brojevi 9/11, 40/12), član 60 mijenja se i glasi:

„Član 60

(Podsticaji i oslobađanja po osnovu ulaganja)

- (1) Porezni obveznik koji na teritoriji Brčko distrikta izvrši ulaganja u skladu s članom 38 Zakona o porezu na dobit obavezan je uz godišnju prijavu poreza na dobit priložiti dokaze izvršenim ulaganjima.
- (2) Pod dokazima iz stava 1 ovog člana podrazumijevaju se računi odnosno fakture, ugovori i drugi dokumenti koji nedvosmisleno ukazuju da je nabavka sredstava izvršena.
- (3) Porezni obveznik koji umanjuje poreznu osnovicu u skladu s članom 38 Zakona o porezu na dobit, dužan je u računovodstvu posebno iskazati ulaganja po osnovu kojih je umanjio poreznu osnovicu.
- (3) Poreznom obvezniku koji izvrši otuđenje sredstava iz člana 38 stava 1 Zakona o porezu na dobit u roku od pet godina od dana nabavke, obračunava se porez kojeg je bio oslobođen, uvećan za kaznenu kamatu.
- (4) Kaznena kamata iz stava 4 ovog člana obračunava se od dana sticanja prava na olakšicu do dospeljeća porezne obaveze.
- (5) Otudjenjem iz stava 4 ovog člana ne smatra se prodaja starog sredstva radi kupovine novog iste prirode i iste namjene.
- (6) Pozitivna razlika između vrijednosti starog i novog sredstva iz stava 6 ovog člana predstavlja osnovicu za podsticaj.“

Član 2

Iza člana 60 dodaje se član 60a koji glasi:

„Član 60a

(Podsticaji i oslobađanja po osnovu izvoza)

- (1) Ostvarivanje prava na oslobađanje poreza na dobit po osnovu izvoza roba i usluga u skladu s članom 39a Zakona o porezu na dobit utvrđuje se tako što se ostvareni prihod od izvoza stavlja u odnos s ukupno ostvarenim prihodom (tačka 7 dodatka 1 obrasca 1102) i tako dobijeni procent (tačka 8 dodatka 1 obrasca 1102) pomnoži sa dva.
- (2) Procentom iz stava 1 ovog člana množi se osnovica koju čini obračunata dobit iz prelaza i dobit utvrđena u skladu s članovima od 5 do 19 Zakona o porezu na dobit.
- (3) Porezni obveznik koji ostvaruje prava na oslobođenje poreza na dobit po osnovu izvoza roba i usluga obavezan je uz godišnju prijavu poreza na dobit priložiti ovjerenu specifikaciju faktura po kojima je izvoz izvršen.

Član 3

(Sastavi dio pravilnika)

Sastavni dio ovog pravilnika su:

1. Godišnja porezna prijava za porez na dobit na obrascu 1101;
2. Akontacija poreza na dobit na obrascu 1104;
3. Dodaci 1 i 9 uz prijavu poreza na dobit na obrascu 1102.

Član 4

Ovaj pravilnik stupa na snagu prvog narednog dana od dana objavljivanja u Službenom glasniku Brčko distrikta BiH.

Direktor Direkcije
Mato Lučić, dipl. oec., s.r.